

գրելիս, 1566 թուականին գրում է, որ այնտեղ Սիմոն և Երեմյազը նրան տեսել էր, թէ Քերբ, մի քանի տարի առաջ, Հոսոմ էր գնացել իր եպիսկոպոսի հետ, սրը հիմա Լուսվում է թաղուած, վերջինս այնտեղ Ս. Պատարագ էր մատուցել հայկական ծէ-տով»³⁶: Հերբեստի այս վկայութիւնը յիշատակում է նաև Պետրովիչը՝ մի ուրիշ կապակցութեամբ եւ իրաւամբ գանում, որ ակնարկուած եպիսկոպոսը հենց Սալմաստեցին է³⁷, բայց հաշուի չի առնում, որ «մի քանի տարի» տեսլով կարելի է հասկանալ 2-3 տարի, կամ՝ 3-4 տարի, կամ էլ շատ-շատ՝ 5-6 տարի, բայց ոչ 16 տարի, ինչպէս լուսիսայն համարում է ինքը՝ Պետրովիչը, որպէսզի կարողանայ տանել-կապել 1550 թուականի հետ: Եւ սրանով մենք ժամանակակից Հերբեստի վկայու-թեամբ տեղեկութիւն ենք ստանում այն մասին, որ Սալմաստեցին մահացել է 1560-ական թուականների սկզբի տարիներին եւ թաղուել է Լուսվում: Բացի այդ՝ Հերբեստի «մի քանի տարի առաջ» խօսքը միաժամանակ վկայութիւնն է այն ուղեւորութեան, որ Սալմաստեցին պիտի կատարած լինէր Լուսվից դէպի Հոսոմ, որպէսզի պապից յանձնարարագիր ստանար՝ Յերդինանդ կոյսրին ներկայանալու համար:

Այժմ վերջիչենք, որ, ժամանակին, որոշ ազբիւրներում Սալմաստեցու մահուան որպէս տարեթիւ ցոյց տրուած 1551 եւ 1552 թուականների մասին խօսելիս, գրել էինք. «Մի շարք փաստեր մեզ ասում են, թէ յիշեալ թուականներին Ստեփանոս Սալմաստեցին չէր մահացել Լուսվում եւ չէր թաղուել այնտեղ»³⁸: Այդ հին հաւատա-մանն են վերաբերում վերեւում մեր ներկայացրած փաստերն ու փաստարկները:

ԼՈՒՈՎԻ ԳԱՄԲԱՆԱԿԱՆ ԱՐՁԱՆԱԳՐՈՒԹԻՒՆԸ

Պետրովիչն իր հայերէն գրքոյիցում Սալմաստեցու անունը կրող դամբանական արձանագրութիւնն առաջ է բերում մի քանի հրատարակուած տարբերակներով: Սա-կայն դամբանալի է, որ նա անսխառ է ճշգրտութիւնները, այնինչ գրանք կարեւոր են: Տեսնենք նրա նշած ազբիւրներից առաջին ներկուսը:

Նախ բերենք հնագոյնը՝ Ս. Ստարովուսիու առածը, ուղղակի իր ազբիւրից եւ ոչ թէ Պետրովիչից.

HOC SEPULCHRUM EST RNDI PATRIS STEPHANI, PATRIARCHAE MAIORIS ARMENIAE, QUI ROMAE FUIT ET ADUENIENS LEOP. ANIMAM SUAM DEO TRADIDIT ANNO DOMINI 1551 DIE 14 IANUARIJ, IULIO SECUNDO PONTIFICI MAX. REDDIDIT OBEDIENTIAM³⁹.

Պետրովիչն այլափոխում է այս արձանագրութիւնը՝ տաւերով գրուած Iulio Secundo (Յուլիոս Երկրորդին) անունը սրբագրելով եւ դարձնելով հոսոմէական թը-ւանշաններով գրուած Julio III (Յուլիոս Երրորդին)⁴⁰:

Իսկ ինչո՞ւ համար է կատարուել այդ փոփոխութիւնը: Կարելի՞ է մտածել, թէ դա արուած կը լինի պարզապէս արձանագրութեան «սխալն» ուղղելու համար, այն հաշուով, որ 1551 թուականին պապական գահի վրայ գահուողը ոչ թէ Յուլիոս Երկ-րորդն (1503-1513 թթ.) էր, այլ Յուլիոս Երրորդը (1550-1555 թթ.):

Մենք դժուարանում ենք այդպիսի թեթեւ մտեցում վերագրել փորձառու պատմաբան Պետրովիչին, բայց չենք դժուարանում նկատել, որ նա ակնյայտօրէն

³⁶ B. Herbest, «Wypisanie drogi», *MLUR*, vol. 5, str. 4-8.

³⁷ PChA p. 148.

³⁸ Էջմիածին, 1956, № 11-12, էջ 76:

³⁹ S. Starovolscius (Starowolski), «Monumenta Sarmatorum, viam universæ carnis ingressorum», *Cra-coviæ*, 1655, p. 300.

⁴⁰ Տես ՊՍՍ էջ 49-50: